

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Odbor za pravdu, opću upravu i lokalnu samoupravu

Broj: 02/16-02-99/21
Sarajevo, 11.01.2021. godine

Na osnovu člana 70. Poslovnika o radu Doma naroda Parlamenta Federacije Bosne i Hercegovine, Odbor za pravdu, opću upravu i lokalnu samoupravu Doma naroda Parlamenta Federacije Bosne i Hercegovine je, na četvrtoj sjednici Odbora održanoj 11.01.2021.godine razmatrao:

- 1. Prijedlog zakona o dopunama Zakona o vanparničnom postupku – skraćeni postupak**
- 2. Tekuća problematika**

Na osnovu člana 51. stav 1. Poslovnika o radu, Odbor za pravdu, opću upravu i lokalnu samoupravu, podnosi Domu naroda sljedeći

I Z V J E Š T A J

- 1. Prijedlog zakona o dopunama Zakona o vanparničnom postupku – skraćeni postupak**

Ustavni osnov za donošenje ovog zakona sadržaj je u odredbama člana IV.A 20, (1) d) Ustava Federacije Bosne i Hercegovine. Naime, prema odredbama člana IV. A.20, (1) Ustava Federacije BiH, Parlament Federacije BiH nadležan je za donošenje zakona o vršenju funkcije federalne vlasti, iz čega proizilazi da navedena odredba predstavlja ustavnopravni osnov za njegovo donošenje.

Osnovni razlog za donošenje ovog zakona jeste osiguranje uslova za provođenje zaključka Vlade Federacije BiH, V.broj: 271/2020 od 20.02.2020.godine, kojim je zaduženo Federalno ministarstvo pravde da hitno pokrene proceduru izmjene i dopune Zakona o vanparničnom postupku kojim bi se utvrdila nadležnost sudova da u vanparničnom postupku utvrđuju mjesto i vrijeme rođenja lica koja vrijeme i mjesto svog rođenja ne mogu dokazati na način predviđen propisima kojima se uređuje vođenje matičnih knjiga, kako bi se entitetski zakoni o vanparničnom harmonizirali u Bosni i Hercegovini.

Nastojanje Federalnog ministarstva pravde je da se dopunama Zakona o vanparničnom postupku definiše postupak utvrđivanje vremena i mjesta rođenja lica koja nisu upisana u matičnu knjigu rođenih, a mjesto i vrijeme svog rođenja ne mogu dokazati na način predviđen propisima. S obzirom na utvrđivanje mjesta i vremena rođenja i krvne veze sa roditeljima predstavljaju osnov za upis djeteta u matičnu knjigu rođenih, a ako navedeno ne mogu dokazati ni izvodom iz matične knjige inostranog organa, neophodno je da se u sudskom postupku utvrde te činjenice. Imajući u vidu da ovaj problem ne može biti predmet upravnog postupka, dopune i jesu harmonizacija sa odredbama Zakona o vanparničnom postupku u Republici Srpskoj i zemalja okruženja.

Predstavnički dom Parlamenta Federacije BiH, na 15. redovnoj sjednici održanoj 15.10.2020.godine razmatrao je i usvojio Prijedlog Zakona o dopunama Zakona o vanparničnom postupku, skraćeni postupak, u tekstu kako je predložila Vlada F BiH.

Članovi Odbora su, nakon obrazloženja predstavnika predlagača, vodili objedinjeni pretres o prijedlozima ovog zakona i konstatovali da postoji ustavni i zakonski osnov za donošenje ovog zakona, te predlažu Domu naroda da usvoji ovaj prijedlog zakona po skraćenom postupku u tekstu kako ga je predložio predlagač.

Za izvjestioca na sjednici Doma naroda ispred Odbora za pravdu, opću upravu i lokalnu samoupravu, određen je Senad Čeljo, predsjednik Odbora.

PREDSJEDNIK ODBORA

Senad Čeljo